



JUDICIAL SYSTEM MONITORING PROGRAMME
MONITORIZASAUN BA SISTEMA JUDISIÁRIU



Relatóriu Institutionál 2021

**PROMOVE DEMOKRASI, DIREITU UMANU, JUSTISA
NO BOA GOVERNASAUN**

TABELA KONTEÚDU

KONA-BA JSMP	4
ORGANOGRAMA	5
ASEMBLEIA JERÁL	6
KONSELLU DIRETIVU/BOARD JSMP	7
KONSELLU EZEKUTIVU	8
ESTRUTURA OGARNIZACIONÁL	9
INTRODUSAUN HUSI DIRETORA EZEKUTIVA	10
TABELA 1 : AUTÓR JUDISIÁRIU NO OFISIÁL HO FUNSIONÁRIU SIRA	12
GRÁFIKU 1 TOTAL NÚMERU KAZU KRIME NO SIVÍL NE'EBÉ JSMP MONITORIZA ENTRE PERÍODU 2018 NO 2021	12
.....	12
GRÁFIKU 2 NÚMERU KAZU NE'EBÉ JSMP MONITORIZA TUIR JURISDISAUN IHA 2021	13
GRÁFIKA 3 VARIASAUN KAZU KRIME NO SIVÍL ENTRE PERÍODU 2018 NO 2021	13
GRÁFIKU 4 VARIASAUN KAZU VIOLENSIA BAZEIA BA JÉNERU ENTRE 2018 NO 2021	13
GRÁFIKA 6 VARIASAUN KAZU VIOLENSIA DOMÉSTIKA ENTRE 2018 NO 2021	14
GRÁFIKU 7 VARIASAUN KAZU INSESTU IHA PERÍODU 2018 NO 2021	14
REUNIAUN PLENARIA NO KOMISAUN A PARLAMENTU NASIONÁL	16
MONITORIZASAUN BA PARLAMENTU NASIONÁL (PN)	16
TREINAMENTU	18
BENEFISIÁRIU	18
TREINAMENTU IHA KOMUNIDADE SUKU	19
SEMINÁRIU REJIONÁL	20
TREINAMENTU BA OFISIÁL POLISIA SUKU (OPS) KONSELLU POLISIAMENTU KOMUNITÁRIA (KPK)	21
TREINAMENTU BA ESTUDANTE DIREITU	22
TREINAMENTU BA JORNALISTA SIRA	23
ADVOKASIA: ENKONTRU, AUDÉNSIA NO MANIFESTASAUN	24
NASIONÁL	24
DEZEMPEÑU NO KAPASITASAUN PESOÁL NO ENKONTRU IHA RAI LARAN NO RAI LI'UR	32
RELASAUN NO KOOPERASAUN HO ONG NASIONÁL & INTERNASIONÁL	33
RELASAUN NO KOOPERASAUN HO UNIVERSIDADE LOKÁL NO ESTRAJEIRU	34
APOIU UMANITÁRIA	35
SENTIDU KONDOLÉNSIA NO SOLIDARIEDADE	36
REUNIAUN ANUÁL ASEMBLEIA JERÁL	37
REUNIAUN MENSÁL ASEMBLEIA JERÁL	38
REUNIAUN KONSELLU EZEKUTIVU	39
ASINA MOU HO KOMISAUN ANTI KORRUPSAUN (CAC)	40
ENKONTRU NO ASINA KONTRATU HO DOADÓR	41
PUBLIKASAUN	43
PROGRAMA TELEVIZAUN & RÁDIU	44

PROGRAMA TV	44
PROGRAMA RÁDIU.....	45
PROGRAMA TV NO RÁDIU SIRA NE'E MAK HANESAN:	45
A) PAPÉL JSMP NIAN IHA TINAN 20 NIAN LARAN.	45
B) IMPAKTU HUSI IMPLEMENTASAUN SERKA SANITARIA NO KONFINAMENTU OBRIGATÓRIU BA EMA NIA DIREITU ASESU BA JUSTISA FORMÁL.....	45
C) RELASAUN FAMÍLIA SAUDÁVEL.	45
D) ATUALIZASAUN KAZU INSESTU NO AISTÉNSIA LEGÁL BA VÍTIMA VIOLÉNSIA BAZEIA BA JÉNERU.....	45
E) PREVENSAUN VIOLÉNSIA BAZEIA BA JÉNERU IHA NIVEL ESKOLA.....	45
F) RELASAUN DOMIN FOINSAE.	45
JURNÁL NASIONÁL.....	46
ENTREVISTA.....	47
PÁGINA JSMP NIAN	49
HALIBUR OSAN/FUNDRAISING.....	50
TABELA 2: ORSAMENTU 2021	49
ORSAMENTU.....	51
ATIVIDADE 2021.....	52

Kona-ba JSMP

Vizaun

Sosiedade demokrátkiku ne'ebé grarante justisa no direitu umanu ba ema hotu.

Misaun

JSMP sei serbisu ho espíritu kolaborativu hodi promove no proteje demokrasia, lei, justisa no direitu umanu liuhosi:

Monitorizasaun
Edukasaun
Advokasia

Istória

Programa Monitorizasaun Sistema Judisiál (JSMP) estabelese iha 28 Abril 2001 iha Dili, Timor-Leste hodi monitoriza prosesu Tribunál Direitu Umanu Ad Hoc iha Indonézia no Painél Espesiál kona-ba Krime Grave iha Timor-Leste.


JSMP eziste hanesan organizasaun la buka lukru ka *not-for-profit* ne'ebé serbisu atu hadi'a no haforsa sistema judisiáriu no lejizlativu iha Timor-Leste.

Serbisu

JSMP hala'o atividade monitorizasaun ba prosesu julgamentu iha Tribunál Distritál haat no Tribunál Rekursu, nune'e mós relata dezenvolvimento iha sistema justisa formál. JSMP mós monitoriza atividade Parlamentu Nasional nian no Komisaun Permanente sira, partikularmente Komisaun A. JSMP normalmente prodús relatório anuál, relatório temátiku, sumáriu kazu, komunikadu imprensa, no analiza asuntu temátiku sira iha setór justisa no lejizlativu no hakerek submisaun ba ezbosu lei sira ne'ebé dezenvolve husi Governu no Parlamentu Nasional.

JSMP mós fornese edukasaun legál ba komunidade sira hanesan parte ida atu hasa'e komunidade sira-nia koñesimentu no kompriensaun kona-ba sistema justisa formál, lejizlativu, demokrasia no direitu umanu. JSMP serbisu ho komunidade, polisia, grupu feto, autoridade lokál, Konsellu Suku, estudante no jornalista sira atu atinje nia vizaun no objetivu estratéjiku sira.

Organograma



Asembleia Jerál

Prezidente:

Jose Pereira

Visepresidente:

Lidia Borges da Silva

Membru:

- | | |
|------------------------------------|-------------------------------------|
| 1) Ana Paula Marçal | 16) Emanuel R. Soriano |
| 2) Casimiro dos Santos | 17) Mateus Xavier |
| 3) Flora Menezes Soriano | 18) Paulo Nunes |
| 4) Eurosia Maria Almeida de Fátima | 19) Manuel Rui da Cunha |
| 5) Yoseva Sugiyarti dos Reis | 20) Adão da Cruz Fernandes |
| 6) Deoneia Barreto dos Santos | 21) Luis Soares |
| 7) Jose Maria Moniz | 22) Jesuina Manuela Correia |
| 8) Florindo Gusmão Freitas | 23) Otavio Hornai |
| 9) Rita de Jesus Guterres | 24) Moises Mali |
| 10) Adolfo Soares | 25) Armindo Manuel do Nascimento |
| 11) Francisca da Silva | 26) Jose dos Santos |
| 12) Aida Helena Parada | 27) Sara de Oliveira de Jesus Viera |
| 13) Ingrasia Pereira da Costa Maia | |
| 14) Filomena de Almeida | |
| 15) Elvino Sarmento Freitas | |

m

Konsellu Diretivu/Board JSMP

Prezidente:

Sr. Joaquim da Costa Freitas, Eis Koordenadór ba Fundu Apoiu
Sosiedade Sivil Gabinete Primeiru Ministru (PM)

Viseprezidente:

Sr. Jose Neves, Eis Vise-Ministru Edukasaun Kultura

Membru sira:

Sra. Isabela Gailos, Porta voz Movimentu Arquires

Prof. Dr. Lucas da Costa, ME, MSi, Eis Reitór UNPAZ (Falesidu)

Sr. Aniceto Neves, Dosente Fakuldade Siénsia Sosial Polítika UNTL

Sr. Julio Alfaro, Fundadór no Eis Presidente CCI-TL

Sra. Eurosia Maria Almeida de Fátima, Peskizadora JSMP

Konsellu Ezekutivu

Diretora Ezekutiva:
Ana Paula Marçal

Jestór Programa:
Casimiro dos Santos

Membru:
Koordenadora LRU & UTA:
Flora Soriano Menezes

Koordenadór POP:
Jose Pereira

Jestora Finansa:
Yoseva Sugiarty

Ofisiál Rekusru Umanu no Administrasaun:
Deoneia Barreto dos Santos

Estrutura Ogarnizacionál

Diretora Ezekutiva: Ana Paula Marçal

Jestór Programa: Casimiro dos Santos

Unidade Peskiza Jurídika (LRU)

Koordenadora
Flora Soriano Menezes

Peskizadór Legál:

- Elvino Sarmento Freitas
- Paulo Nunes
- Adolfo Soares
- Rita de Jesus Guterres
- Eurosia Maria A. Fatima

Ofisiál Bazedadus:

Filomena de Almeida

Unidade Observasaun Parlamentár (POP)

Koordenadór
José Pereira

Peskizadór Sosio-Polítika no Lejizlasaun:

- Mateus Xavier
- Aida Helena Parada da Silva

Unidade Advokasia no Treinamentu (UTA)

Koordenadora
Flora Soriano Menezes

- **Ofisiál Seniór Advokasia & Relasaun Pública:**
José Maria Moniz
- **Ofisiál Mídia & IT:**
Emanuel Rocha Soriano
- **Treinadora no ofisiál advokasia:**
Lidia Borges da Silva

Rekursu Umanu & Administrasaun

Ofisiál Reponsável:
Deoneia Barreto dos Santos

Konduatór:

- Adão da C. Fernandes * Luis Soares
- Manuel Rui da Cunha * Moises Mali
* Marcelino M. da Costa
* Otavio Hornai
* Armindo M. Nascimento
* Jose dos Santos

Funzionária serbisu doméstika:

- * Jesuina Manuela Correia
- * Sara de O. de J. Viera

Finansa

Jestór finansa:
Yoseva Sugiyarti dos Reis

Ofisiál Finansa:
Ingrasia Pereira d. Costa Maia

Voluntáriu Nasionál

-
-
-

Voluntáriu Internasional

- Jason Wood
- Brianna Pachuilo

Pesoál Lojística

Florindo Gusmão Freitas

Introdusaun husi Diretora Ezekutiva



Tinan 2021 kontinua sai nu'udar tinan ida ne'ebé nakonu ho problema, susar no dezafiu internál no esternál oinoin, liuliu Covid-19 ne'ebé afeta globalmente. Mezmu nune'e, JSMP aproveita ho loron anivsersáriu JSMP nian ba XXI iha 28 Abril 2022 ho orgullu dala ida tan lansa nia relatóriu institusionál ne'ebé summariza serbisu no susesu sira ne'ebé JSMP hetan durante tinan 2021 nian ba públiku.

Susesu ne'e nu'udar parte ida hosi kontribuisaun no serbisu maka'as hosi funsionáriu sira hotu nian liuhusi unidade idaidak, inklui parseiru sira JSMP nian. Ne'eduni, ha'u lori JSMP nia naran la haluha hato'o agradese wa'in ba parte hotu ne'ebé kontribui ba susesu boot ida ne'e, partikularmente doadór sira mak hanesan Embaixada Governu Austrália ka DFAT iha Timor-Leste ne'ebé apoiu liuhosi ajénsia *Governance for Development (GfD)*, *the Asia Foundation (TAF)*, Governu Timor-Leste liuhosi Gobinete Apoiu Sosiedade Sivíl, Gabinete Primeiru Ministru, Uniaun Europeia liuhusi UNDP projetu Spotlight, Governu Canada liuhosi Embaixada Canada iha Jakarta no HIVOS, Governu Estadus Unidus liuhusi Uma Amérika ba projetu Tráfiku Umanu.

Iha 2021, ho finansiamentu husi doadór sira-nian no serbisu maka'as funsionáriu sira-nian, JSMP konsege halo monitorizasaun ba kazu krime hamutuk 604 no kazu sivíl hamutuk 20 iha tribunál sira hotu. Iha parte asisténsia legál konsege fó asisténsia ba kazu krime 131 no kazu sivíl 13 husi munisípiu 7. Iha setór lejizlativu nian, JSMP mós konsege halo monitorizaun ba sesaun plenária hamutuk 80 hosi totál plenaria 85 no enkontru Komisaun A hamutuk 81.

Enkuantu parte advokasia nian, JSMP hakerek paraser no sumáriu analiza no peskiza lejizlativu hamutuk 3 no halo audénsia no hatama submisaun ba Parlamentu Nasionál hamutuk 7. Aleinde ne'e, JSMP mós fornese formasaun ba komunidade rurál hamutuk 4 no estudante finalista direitu hamutuk dala 6, membru ema ho defisiénsia no LGBTI dala 3, jornalista dala 1 no Ofisiál

Polisia Suku (OPS) no Konsellu Polisiamentu Komunitaria (KPK) dala 3.

JSMP mós prodús sumáriu kazu 42, relatório anuál hamutuk 3, komunikadu imprensa 59, artigu ba jornál 196, programa rádiu 6 no programa TV 6.

JSMP kontinua fornese informasaun ba públiku kona-ba sistema justisa formál no prosesu lejizlativu iha Timor-Leste liuhosi meiu habelar informasaun sira mak hanesan programa rádiu, programa televizaun, komunikadu imprensa no artigu ba jornál, website, Facebook, Twiter no lista e-mail JSMP nian.

JSMP mantein ho nia programa sira no nafatin iha kompromisu atu implementa atividade sira hotu iha parte monitorizaun ba tribunál no Parlamentu, edukasaun legál ba komunidade no advokasia atu atinze nia vizaun ba sosiedade demokrátiku ida ne'ebé garante justisa no direitu umanu ba ema hotu. Mezmu ne'e, relasiona ho Covid-19, JSMP mós temporariamente hala'o atividade sira relasiona ho prevensaun no kombate Covid-19.


JSMP sei kontinua hametin relasaun ho arseria lokál no internasional sira. JSMP espera katak ho sira-nia apoiu, JSMP bele kontinua nia serbisu iha futuru ho rezultadu no progresu ne'ebé di'ak no boot liu tan.

Dili, 28 Abril 2022



Ana Paula Marçal
Diretora Ezekutiva

Monitorizasaun ba Tribunál




JSMP úniku ONG ne’ebé monitoriza regularmente Tribunál Distritál sira iha Timor-Leste; Tribunál Distritál Dili (TDD), Tribunál Distritál Baukau (TDB), Tribunál Distritál Suai (TDS) no Tribunál Distritál Oekusi (TDO). Alende ne’e, halo mós monitorizasaun balun ba Tribunál

Iha tabela tuir mai JSMP apresenta totál número autór judisiáriu, ofisiál justisa, funzionáriu administraсаun no tradutór husi períodu 2015 to’o 2020 nian.

Tabela 1 : Autór Judisiáriu no Ofisiál ho Funzionáriu sira

Outór Judisiáriu	2016	2017	2018	2019	2020
Juises	34	34	34	34	40 ¹
Prokuradór	32	30	36	36	46 ²
Defensór Pública	30	30	35	35	45 ³
Ofisiál Justisa	113	166	166	166	166
Tradutór	12	17	17	17	17
Fusionáriu Administraсаun	77	127	136	136	136
Total	298	404	424	424	450

Gráfiku 1 Totál número kazu krime no sivil ne’ebé JSMP monitoriza entre períodu 2018 no 2021




¹ Iha 2020, tomada pose ba juis toun na'in 3.


² Iha 2020, tomada pose ba prokuradór foun na'in 5.

³ Iha 2020, tomada pose ba defensór foun na'in 5.

Gráfiku 2 Númeru kazu ne'ebé JSMP monitoriza tuir jurisdisaun iha 2021




Gráfika 3 Variasaun kazu krime no sivíl entre períodu 2018 no 2021



Observasaun:

Totál númeru kazu sivíl sae iha 2019, 2020 no 2021 kompara ho 2018 iha kazu 2 de'it. Kazu sivíl ne'e aumenta tanba tribunál kria mekanizmu ne'ebé obriga juis sira tau prioriedade ba kazu sivíl no mós iha ona juis ba kazu sivíl sira.


Gráfiku 4 Variasaun kazu violénsia bazeia ba jéneru entre 2018 no 2021



Observasaun:

Númeru kazu violénsia bazeia ba jéneru konstitui númeru ne'ebé boot liu husi totál númeru kazu ne'ebé JSMP monitoriza kada tinan entre períodu 2018 to'o 2021

Gráfiku 5 Númeru kazu violénsia bazeia jéneru entre feto no mane



Observasaun:

Entre númeru kazu violénsia bazeia ba jéneru, númeru kazu violénsia hasoru feto no labarik konstitui númeru no porsentajen ne'ebé aas tinan tinan.

Gráfika 6 Variasaun kazu violénsia doméstika entre 2018 no 2021



Observasaun:

Númeru kazu violénsia doméstika nafatin konstitui númeru kazu ne'ebé boot liu husi kazu sira seluk iha 2021. Iha variasaun ne'ebé moderadu entre 2018 to'o 2021.


Gráfiku 7 Variasaun kazu insestu iha períodu 2018 no 2021




Observasaun:

Númeru kazu insestu varia entre 6 no 13 no númeru kazu ne'e sa'e maka'as iha 2020 to'o 13 no tun uitoan iha 2021.


Gráfiku 8 Variasaun númeru kazu Tribunál Móvel entre 2018 to'o 2021



Gráfiku 9 Númeru kazu asisténsia legál tuir munisípiu iha 2021



Gráfiku 10 Variasaun kazu korrupsaun



Monitorizasaun ba Parlamentu Nasional (PN)



JSMP monitoriza regularmente Parlamentu Nasional desde 2010 to'o ohin loron.

JSMP halo Monitorizasaun ba reuniaun plenaria no Komisaun A

Reuniaun Plenaria no Komisaun A Parlamentu Nasional

Totál Ajenda Plenaria

86

Totál Ajenda Realiza

86

Plenaria ne'ebé JSMP monitoriza:

Plenaria

80

Enkontru Komisaun A

81

Fiskalizasaun Komisaun A


0

Kompozisaun Parlamentu Nasional iha Lejislatura V nian ho deputadu 65 ne'ebé kompostu hosi Bankada Fretilin hamutuk 23, Bankada CNRT hamutuk 21, Bankada PLP hamutuk 8, Bankada PD hamutuk 5, Bankada KHUNTO hamutuk 5, Bankada PUDD 1 no Bankada UDDT/FM hamutuk 1.

Observasaun:

Iha 2021 JSMP konsege monitoriza 93% husi totál ajenda reuniaun plenária Parlamentu Nasional. Alende, númeru reuniaun Komisaun A ne'ebé JSMP monitoriza iha 2021 aas tebes kompara ho tinan sira uluk nian, mezmuke Timor-Leste hasoru ona pandemia Covid-19. Ida ne'e konsidera hanesan mudansa boot iha Komisaun A Parlamentu Nasional ho lideransa foun. Enkuantu fiskalizasaun Komisaun A nian laiha tanba situaun pandemia Covid-19 mak la permite atu deputadu sira ba halo fiskalizasaun iha komunidade.

Gráfiku 8 Reuniaun plenaria no Komisaun A PN entre 2018 no 2021



Iha 2020 no 2021, Parlamentu funsiona di'ak tebes no efetivu, nune'e númeru reuniaun plenaria no Komisaun sa'e aas tebes tanba kestaun mudansa iha lideransa tantu iha plenaria no mós Komisaun A.

Gráfiku 9 Variasaun númeru lei no rezolusaun ne'ebé PN halo husi 2018-2021



Iha 2020 no 2021, Parlamentu Nasional mezmuke iha situaun pandemia Covid-19, iha termu halo lei, hatudu produtividade ne'ebé aas tebes kompara ho tinan sira antes.

Treinamentu

JSMP iha 2021 hala'o atividade treinamentu ba membru Konsellu Suku sira, Ofisiál Polisia Suku (OPS) no Konsellu Polisiamentu Suku (KPK), ema ho defisiénsia ho LGBTI sira husi organizasaun sira mak hanesan AHMDTL, RHTO, Klubur defisiénsia tilun, Arcoiris, CBRN Timor-leste no CODIVA, no mós estudante universitáriu.

Benefisiáriu

Komunidade Suku

4

83

Ema ho defisiénsia & LGBTI

3

65

Ofisiál Polisia Suku (OPS) & Konsellu Polisiamentu Suku (KPK)

124

Estudante Universitária

6

70

Jornalista

1

11

Totál

18

353

Treinamento iha komunidade suku



JSMP iha 2021 hala'o treinamento ba komunidade sira iha área remota hamutuk suku 4 iha munisípiu hamutuk 3 mak hanesan Baukau, Covalima no Ermera.

Materia sira ne'ebé JSMP fornese mak; Demokrasia, Knaar Órgaun Soberanu sira-nian, Partisipasaun Públiku iha prosesu halo no asesu ba justisa formál no violénsia bazeia ba jéneru.

Objetivu mak atu hasa'e koñesimentu membru konsellu suku no membru komunidade sira nune'e membru konsellu suku sira bele dezempeña sira-nia ho di'ak liu tan iha rezolve problema sira ne'ebé mosu iha komunidade.

Partisipante sira apresia tebes programa JSMP nian ne'e tanba informasaun ne'ebé JSMP fahe ne'e relevante no importante tebes ba sira-nia moris loroloron iha família no komunidade.

Treinamento sira ne'e realiza ho hetan apoiu finanseira husi Governu Timor-Leste liuhusi CEPAD/Komisaun Europeia no Uniaun Europeia liuhusi UNDP ho programa *Spotlight*.

Semináriu Rejionál



Iha 23 Jullu 2021, JSMP realiza semináriu rejionál iha Munisípiu Baukau kona-ba asegura akontabilidade Governu ba Covid-19, hadi'a asesu no liberdade ba informasaun iha Timor Leste, "Knaar Órgaun Seberanu, Partisipasaun Públiku iha Prosesu halo Lei no Asesu ba Justisa Formál Timor-Leste".

Iha 19 Novemburu 2021, JSMP realiza semináriu regionál kona-ba demokrázia knaar orgaun sobernau partisipasaun públiku iha prosesu halo lei no asesu ba justisa formál iha Munisípiu Suai
Iha 22 Outubru 2021, JSMP realiza



semináriu rejionál Munisípiu Dili ba lideransa suku ho nia estrutura kona-ba demokrázia knaar orgaun soberanu, partisipasaun públiku iha prosesu halo lei no asesu ba justisa formál. Partisipante sira mai husi Munisípiu Ermera suku Talimoro no Munisípiu Dili mai

husi suku Bairu Pite, Kolmera, Bidau, Vila-Verde no Bekora.

Treinamentu ba Ofisiál Polisia Suku (OPS) Konsellu Polisiamentu Komunitária (KPK)

JSMP alende hala'o treinamentu ba membru Konsellu Suku no membru komunidade sira iha suku remota, ba estudante no ema ho defisiénsia, hala'o mós treinamentu ba Ofisiál Polísia Suku (OPS) no Konsellu Polisiamentu Komunitária (KPK). Objetivu mak atu hasa'e koñesimentu OPS sira-nian kona-ba krime sira no oinsa bele apoiu membru komunidade sira hodi asesu ba justisa formál.



JSMP realiza ona treinamentu ba iha Ofisiál Polísia Komunitáriu (OPS) no Konsellu Polisiamentu Komunitáriu (KPK) ho tópiku “Papel KPK no OPS iha Prevensaun Violénsia Bazeia ba Jéneru”. Treinamentu ne'e kobre ona munisípiu hamutuk 4 kompostu husi munisípiu Manatutu, Bobonaro, Ermera inklui iha Aileu ho totál partisipante OPS hamutuk 80 no KPK hamutuk 44.

Treinamentu ba Estudante Direitu



Iha 19 Agostu 2021, JSMP kontinua fasilita formasau n ba estudante fakulidad e direitu no fakuldade seluk inklui estudante finalista.

Meteria ne'ebé fó

iha faze premeiru ne'e kona-ba koñese Kódigu Prosesu Penál no prinsípiu jerál sira.

Formasaun loron sorin ne'e loke ofisialmente husi Sra. Ana Paula Marçal, Diretora Ezekutiva JSMP no formasaun ne'e fasilita husi Sr. Adolfo Soares hanesan formadór no partisipante sira husi universidade UNTL, UNPAZ, UNDIL no UNITAL.

Treinamentu ba Jornalista sira



Iha 21 Outubru 2021, JSMP fo formaun ba jornalista no xefe redasaun sira kona-ba sistema legál Timor-leste durante loron ida iha salaun Maria Goreti

Sekretária Estadu Igualidade no Inklusaun (SEII)

Advokasia: Enkontru, Audénsia no Manifestasaun

Enkontru no audénsia nu'udor atividado advokasia ne'ebé aho interese rejionál no tór lejizlativu



Nasionál

Iha 05 Fevereiru 2021, ekipa

JSMP hasoru malu ho Dr. Sergio de Jesus Hornai, Komisáriu KAK, iha nia serbisu fatin, edifísiu KAK, Farol, Dili.

Enkontru ne'e ho objetivu atu ko'alia hamutuk kona-ba possibilidade atu serbisu hamutuk iha futuru liu-liu iha área prevensaun no oinsa bele hametin serbisu monitorizasaun iha prosesu julgamentu no desizaun ba kazu korrupsaun sira, inklui programa kapasitasaun hamutuk iha parte prevensaun nian iha jerál no ba Lei Medida

Prevensaun Kombate
Korrupsaun (MPKK) iha partikulár.



Iha 04 Marsu 2021, Komisaun A Parlamentu Nasional halo audénsia pública ho JSMP no

Advogadu Privadu nasional no internasional sira iha Timor-Leste. Objetivu husi audénsia ne'e mak atu rona no esplora hanoin no komentáriu husi advogadu privadu sira no JSMP kona-ba proposta Lei Nú 25/V kona-ba Rejime Jurídiku ba Asosiasaun Públiku Profisionál no proposta Lei Nú 26/V aprova Estatutu Orden Advogadu iha Timor-Leste.



Komisaun A Parlamentu Nasional (PN), iha 08 Abril 2021, hala'o audénsia pública ho JSMP no Prezidente Tribunál Rekursu (PTR). Objetivu mak atu rona hanoin husi

parte relevante sira nian, partikularmente JSMP kona-ba Projetu alterasaun Lei Nú 19/V (3a) kona-ba Organizasaun Judisiária no Proposta alterasaun Lei Nú. 28/V(3a) kona-ba Organizasaun no Funzionamento Tribunál nian.



JSMP apresisa tebes ba serbisu no esforsu Parlamentu Nasional nian partikularmente ba Komisaun A no Governu ne'ebé tau ona prioridade hodi inisia proposta no projetu lei rua ne'e hodi aselera ona diskusaun ba lei refere. Ida

ne'e, nu'udar pasu ida pozitivu ba Timor-Leste atu bele iha rasik nia lei ne'ebé sei regula funzionamento sistema judisiáriu.

Komisaun A
Parlamentu
Nasionál iha 05
Maiu 2021 halo
audénsia pública
ho parte relevante
sira hodi rona
hanoin kona-ba
esbosu Lei Estatutu
Majistratura
Judisiál nian ne'ebé
inísia husi
Parlamentu
Nasionál ho Projetu
Lei Nú. 21/V/2021.
Parte relevante sira
ne'ebé hola parte
iha audénsia ne'e
mak Prokuradór
Jerál Repúblika no
ekipa, Prezidente Asosiasaun Majistradu Judisiál, ne'ebé mós nu'udar Diretor
ba Sentru Formasaun Jurídika no Judisiária (SFJJ), Eis-Prezidente Komisaun
Reforma Lejizlativa no ekipa JSMP.





JSMP partisipa no akompaña diskusaun Komisaun F Parlamentu Nasionál ba iha kontinuasaun diskusaun espesialidade ba Projetu Lei Protesaun Labarik no Joven iha Perigu, iha Munisípiu Aileu durante loron tolu hahú 12 too 15 Outubru 2021.

Iha 08 Julu 2021,
Komisaun F Parlamentu
Nasionál ne'ebé trata
Asuntu Saúde Edukasaun,
Kultura, Veteranus no
Igualidade Jéneru halo
audénsia públiku ho
JSMP, Sekretáriu Estadu
Juventude no Desportu no
Parlamentu Foin Sa'e iha
Otél Timor. Audénsia ne'e
prezide husi Prezidente
Komisaun F no akompaña
ho deputadu no deputada
Komisaun F.

Objetivu husi audénsia ne'e atu rona komentáriu no hanoin ruma husi JSMP, SEJD no Parlamentu Foin Sae kona-ba esbosu Projetu Lei Protesaun Labarik no Joven. Liuhusi konsultasaun ne'e bele tau hamutuk hanoin sira hodi bele hadi'a di'ak liutan esbosu ne'e antes apresenta iha plenária.



Iha 07 Outubru
2021, JSMP liuhusi
Unidade
Observasaun
Parlamentár halo
observasaun iha
diskusaun Komisaun
A Parlamentu
Nasionál ba
votasaun iha
espesialidade ba
Proposta Lei

Estatutu Ministériu Públiku.



Iha 18 Agostu
2021, Ekipa
Judicial System
Monitoring
Programme-
JSMP kompostu
husi Diretora
Ezekutiva,
Koordenadora
Peskiza Legál
(LRU) no
Unidade
Treinamentu no
Advokasia
(UTA) no mós
Koordenadór

Programa Observasaun Parlamentu (POP), halo audénsia ho Dignísimu Prokuradór Jerál Repúblika (PJR), Dr. Alfonso Lopez, iha Edifísiu Prokuradoria Jerál Repúblika, Dili.

Grupu traballu
advokasia ba
asuntu inestu
kontinua realiza
enkontru hodi
diskute no haree
fali planu sira
ne'ebé antes
ne'e grupu ne'e
halo ona, maibé
la konsege
realiza tanba
aplikasaun
estadu
emerjénsia serka
sanitária no
konfinamentu
obrigatóriu,

nune'e ho enkontru ne'e deside hamutuk atu iha tempu badak sei realiza atividade
sira hanesan atualizaun informasaun, dadus no deskobrimentu sira liuhusi
televizaun no rádiu (rádiu komunidade) no sei prepara informasaun relasiona ho
dadus sira kona-ba asuntu inestu ne'ebé regularmente sei atualiza ka pública
liuhusi mídia sosiál, hanesan pájina facebook no jornal sira.





Durante loron
tolu hahú husi
26, 29 no 30
fulan
Novembru
2021, membru
Komisaun ba
Luta Anti
Tráfiku Umanu
(KLATU)
hala'o
enkontru

dahuluk hodi
prepara Planu
Asaun

Nasionál-PAN
(revee esbosu
PAN ne'ebé
aprezenta ona
husi grupu
traballu tráfiku
umanu iha
tinan hirak ba
kotuk) no halo
mós planu
atividade sira
ba tinan 2022

ba iha prevensaun no luta hasoru tráfiku umanu tuir funsaun komisaun nian
ne'ebé prevee iha Artigu 5 (a&b) husi Dekretu Lei Nú. 9/2021, 30 Juñu kona-
ba funsaun KLATU. Komisaun konsege finaliza planu atividade tinan 2022
nian no haruka ona ba iha Gabinete Primeiru Ministru. Enkuantu kontinuusaun
revizaun ba PAN tinan 5 nian sei halo iha tempu badak.



Iha 24 (loron sorin)
no 25 Novembru
2021, JSMP
organiza enkontru
ho Grupu Traballu
ba Tráfiku Umanu
ho ajenda : update
rezultadu enkontru
grupu traballu iha
loron 19
Novembru, update
mós rezultadu
audénsia membru

KLATU ho Primeiru Ministru, identifika hamutuk atividade importante sira no halo revizaun ba esbosu Planu Asaun Nasional (PAN) ba Tráfiku Umanu ne’ebé prepara ona husi Grupu Traballu Tráfiku Umanu iha tinan hirak ba kotuk.

Enkontru refere hala’o iha Fundasaun Alola no partisipa husi Fundasaun Alola, JSMP, ALFeLa, ACBIT, Mane ho Vizaun Foun no La’o hamutuk.



JSMP kontinua halo advokasia ba asuntu alterasaun Kódigu Sivíl liuhusi diskusaun sira ho instituisaun relijiouzu sira la’os katóliku hodi diskute estratéjia no explora idea sira kona-ba provizaun artigu 1475 Kódigu Sivíl kona-ba kazamentu sivíl, katóliku no barlakeadu monogámika ne’ebé konsidera halo diskriminasaun hasoru konfisaun

relijiozu sira ne’e.

Artigu 1475 Kódigu Sivíl ne’e kontráriu ho Konstuisaun Repúblika Demokrátiku Timor-Leste (KRDTL) ne’ebé rekoñese no respeita konfisaun relijiozu sira hotu no asegura sira nia liberdade ba organizasaun no ezersísiu ba sira-nia atividade sira hanesan preve iha artigu 12 alinea 1 KRDTL.



JSMP halo
audénsia ho Xefe
Gabinete Primeiru
Ministru, Dr.
Azevedo
Lourenço da Costa
Marçal, iha loron
19 Outubru 2021.

Objetivu husi
audénsia ne'e mak
JSMP hakarak



sosiedade sivíl ne'ebé jere husi Gabinete Apoiu Sosiedade Sivíl (GASS).

Iha 20 Setembru
2021, ekipa
Judicial System
Monitoring
Programme-JSMP
halo audénsia ho
Meritísimu Juis
Konselleru,
Prezidente
Tribunál Rekursu
(PTR), Dr.
Deolindo dos
Santos, iha
Edifísiu Tribunál
Rekursu, Dili.
Audénsia ne'e ho
objetivu atu
introdús




estrutura foun JSMP nian no apresenta JSMP ninia serbisu sira, liuliu unidade foun kona-ba Serbisu Apoiu ba Vítima. Alende ne'e, JSMP hato'o mós apresiasaun ba mudansa ne'ebé akontese iha tribunál.

hato'o kona-ba
instituisaun no
estrutura foun
órgaun ezekutivu,
programa sira JSMP
nian no apresiasaun
JSMP nian ba apoiu
Gabinete Primeiru
Ministru nian ba
sosiedade sivíl,
partikularmente ba
JSMP liuhusi fundu

Dezempeñu no kapasitasaun pesoál no enkontru iha rai laran no rai li'ur

Programa kapasitasaun ne'e parte ida husi política JSMP nian atu kontinua hasa'e koñesimentu pesoál sira-nian nune'e bele dezempeñu sira-nia knaar efetivu no di'ak liután. Liuhusi dalan ida ne'e, JSMP bele hadi'a no hasa'e nia kualidade no dezempeñu serbisu.



Iha 2021, funciónariu sira JSMP nian, alende tuir kapasitasaun no enkntru iha rai laran, partisipa mós kapasitasaun husi rai li'iur liuhusi virtuál ka *online*.

Relasaun no Kooperasaun ho ONG Nasionál & Internasional

JSMP aleinde envolve an iha rede nasional sira hanesan FONGTIL, Rede ba Rai no Aliansa ba Tribunál Internasional (ANTI) no mós ONG nasional sira seluk, JSMP mós halo kooperasaun ho rede internasional no rejonál sira hanesan Forum-Asia & Amnistia Internasional (AI)



Iha 2021, Pandemia Covid-19 sai hanesan dezafiu boot ida ba atividade advokasia iha nivel internasional no rejonal. Mezmu nune'e, JSMP hamutuk ho Forum-Asia nafatin halo advokasia hamutuk kona-ba asuntu sira liga ho direitu umanu no justisa.

JSMP hamutuk ho Forum-Asia ho membru sira seluk halo konsultasaun online ho Special Raporteurs kona-ba liberdade espresaun hodi ko'alia no fahe informasaun kona-ba situasaun direitu umanu kona-ba liberdade espresaun iha rejiaun Asiátku ne'ebé preokupante tebes.

Rezultadu husi konsultasaun ne'e, ikus mai Forum-Asia ho membru prepara no hatama paraser ida ida Special Raporteurs kona-ba liberdade espresaun.

Relasaun no Kooperasaun ho Universidade Lokál no Estrajeiru

JSMP estabelese relasaun no kooperasaun di'ak ho universidade lokál sira mak hanesan Universidade da Paz (UNPAZ) no Universidade Timor Lorosa'e (UNITAL) no universidade estranjeiru mak hanesan the Arizona State University (ASU), Estadus Unidus Amerika fasilita no haruka regularmente estudante estajiáriu sira Fakuldade Direitu no Relasaun Internasionál mai halo estájiu iha JSMP. Iha 2020, estudante sira husi ASU nian labele mai Timor-Leste tanba pandemia Covid-19, nune'e sira halo estájiu online de'it.



Iha 05 Agostu 2021,
Sr. Casimiro dos
Santos, Jestór
Program JSMP
ofisialmente simu
estudante fakuldade
ekonomia husi
UNPAZ ne'ebé sei
estájiu durante
semana rua iha
JSMP, hahú loron 05
-19 Agostu 2021.

Iha loron 13
Agostu 2021,
Koordenadór
Unidade
Observasaun
Parlamentár fahe
informasaun ba
estajiaria no
estajiariu sira husi
Universidade da
Paz (UNPAZ),
fakuldade
Ekónomia no
Relasaun



Internasional kona-ba funzionamentu Parlamentu Nasional no prosesu halo lei.

Apoiu umanitária

JSMP iha 2021 fornese apoiu umanitária ba vítima sira violénsia bazeia jéneru, dezastre natural no mós ba ema ho defisiénsia ne'ebé presiza tulun.

Iha apoiu umanitária ne'e, JSMP distribui nesesidade báziku no materiál balun hodi ajuda ba vítima Violénsia Bazeia ba Jéneru iha Uma mahon mak hanesan Fokupers, Casa Vida, AHDMTL no FFJC Oratóriu Dom Bosco Balide.

Material sira ne'e hetan apoiu orsamentu husi Uniaun Europeia liuhusi UNDP ho projeitu *Spotlight*



JSMP ho apoiu husi Governu Austrália liu husi programa Nabilan The Asia Foundation, fahe ona lampu solar ba vítima violénsia bazeia ba jéneru no

vítima

Sentidu kondolénsia no solidariedade

inundasaun.



Iha loron 16
Dezembru
2021, JSMP
presta
omenajen ba

sinzas saudozu Max Stahl iha Mozeu Rezistensia Dili. Alende ne'e, JSMP mós hato'o sentidu kondolénsia ba Dom Basilio do Nascimento, Bispo Baukau, ba Dr. Rui Guterres, Defensór Públiku, Funu Na'in Grande Eroi Timor Sr. José Antonio Gomes da Costa " Ma'hunu Bulerek Karathayano no Dr. Pedro Andrade, Asesór Komisaun A PN.

Reuniaun Anuál Asembleia Jerál

JSMP tuir provizaun Artigu 15 pontu 1) kona-ba reuniaun Asembleia Jerál nian prevee katak JSMP reune ordinariamente tinan ida dala ida iha Loron Planu Anuál hodi halo Avaliasaun no Revizaun ba Programa no Polítika JSMP, Situasaun Finanseira no Apoio Doadór no Planu Asaun Anuál ne'ebé sei hala'o iha fulan sira antes taka tinan fiskál kada tinan. Nune'e, JSMP kada tinan reúne membro hotu hodi diskute halo revizaun ba programa, planu no orsamentu instituisaun nian.

Planu Revizaun Anuál (PRA) 2021 nian JSMP hala'o iha 15 no 16 Dezembru 2021. Objetivu husi PRA 2021 nian mak: dahuluk revee no avalia fali programa, política no situasaun finanseira 2021 nian atu bele sukat nia progresu no identifika dezafiu sira, nune'e mós buka solusaun sira no daruak mak dezenvolve Planu Estratéjiku tinan 5 (lima) nian ba iha períodu 2021-2025.



Tuir provizaun Artigu 15 pontu 2) Estatutu JSMP nian kona-ba reuniaun Asembleia Jerál prevee katak Asembleia Jerál mós reune ordinariamente fulan ida dala ida hodi haree no diskute kona-ba asuntu ne'ebé liga ho interese imediatu no atividade loron-loron JSMP nian. Nune'e, JSMP regularmente konvoka reuniaun mensál Asembleia Jerál nian.



JSMP realiza enkontru Asembleia ho ajenda hodi diskuti no apresenta situasaun finanseiru JSMP nian, alende ne'e diskute mós kona-ba problema no dezafiu sira ne'ebé hasoru durante implementa programa.

Reuniaun Konsellu Ezekutivu

Tuir provizaun Artigu 25 pontu 1) kona-ba reuniaun Konsellu Ezekutivu prevee katak Konsellu Ezekutivu reune semanalmente hodi diskute no avalia kona-ba programa, orsamentu no serbisu manajementu no unidade sira nian. Nune'e, Konsellu Ezekutivu hala'o regularmente reuniaun kada semana.

Chisaun Anti (CAC)



Iha Loron Internasional Anti Korrupsaun ne'ebé monu iha 09 Dezembru 2021, JSMP asina Nota Entendimentu ho KAK iha área prevensaun no kombate korrupsaun.

Enkontru no Asina Kontratu ho Doadór

Normalmente, JSMP halo enkontru ho doadór sira hodi asina akordu no mós atu halo avaliasaun ba progresu implementasaun programa sira. Alende, bainhira halo ajustamentu ba orsamentu, JSMP sempre organiza enkontru ho doadór sira hodi bele diskute hamutuk no foti desizaun.




Iha 19 Abril 2021, Diretora Ezekutiva JSMP, Sra. Ana Paula Marçal hamutuk ho Jestór Programa, Sr. Casimiro dos Santos asina akordu serbisu hamutuk ho UNDP liuhusi Projetu Inisiativa *Spotlight* ho finansimentu husi União Europeia ba iha programa prevensaun violénsia bazeia ba jéneru liuhusi mídia (programa televizaun) no asisténsia legál ba vítima violénsia hasoru feto no labarik. Asina akordu serbisu hamutuk ne'e, akompaña husi Ambasadór Uniaun Europeia ba Timor Leste Sr. Andrew Jacobs.



Iha 19 Abril 2021, JSMP asina akordu serbisu hamutuk ho UNDP liuhusi projetu Inisiativa Spotlight ho finansiamentu husi União Europeia ba iha programa prevensaun violénsia bazeia ba jéneru liuhusi mídia (programa televizaun) no asisténsia legál ba vítima violénsia hasoru feto no labarik.

Publikasaun



Programa Televizaun & Rádiu

Programa TV

6



Iha 26 Agostu 2021, Grupu Traballu Advokasia ba Asuntu Insestu (GTAI), realiza debate programa televizaun Dili Democracy Club ho titlu :“*Atualizasaun dadus no preokupasaun sira ba asuntu insestu*”



Iha loron 28 Setembru 2021, CEPAD serbisu hamutuk ho GMN liu husi Programa Dader Kmanek kona-ba Loron Internasional Universal ba Asesu Informasaun Embaixadór Uniaun Europeia iha Timor-Leste

Programa Rádiu

6



Programa TV no Rádiu sira ne'e mak hanesan:

- a) Papél JSMP nian iha tinan 20 nian laran.
- b) Impaktu husi implementasaun serka sanitaria no konfinamentu obrigatóriu ba ema nia direitu asesu ba justisa formál.
- c) Relasaun Família saudável.
- d) Atualizasaun kazu Insestu no aisténsia legal ba vítima violénsia bazeia ba jéneru.
- e) Prevensaun violénsia bazeia ba jéneru iha nível eskola.
- f) Relasaun domin foinsae.



Programa rádiu sira JSMP nian distribui ba rádiu komunidade sira iha Timor laran tomak hodi bele fó sai ba públiku.

Journál Nasional

Atu asegura publikasaun regulár ba informasaun sira JSMP nian, JSMP halo kontratu ho jornál Timor Post, Diário Nacional, Suara Timor Lorosae (STL) no Journál Independente.



Iha períodu relatório ida ne'e, JSMP nia publikasaun iha Diário Nacional hamutuk dala 46 x 1000 ka 46000 exemplar, Timor Post dala 46 x 1000 ka 46000 exemplar, Journál Independente dala 34 x 800 ka 27200 exemplar no Journál STL dala 34 x 800 ka 27200 exemplar.

Entrevista

Iha 15 Setembru 2021, jornalista husi jornal Suara Timor Loro Sae dada lia ho Sra. Flora Soriano Menezes, Koordenadora Treinamentu Advokasia no Peskizadora Legál iha JSMP kona-ba monitorizasaun JSMP nia iha tribunál distritál sira no asistensia legál ba vitima violénsia bazeia ba Jéneru. durante implementasaun Estadu Emerjensia, Serka Sanitaria no Konfinamentu Obrigatóriu.



mak envolve labarik sira sai vítima

Iha loron 19 Novembru 2021, dada lia jornalista Timor Post ho Sra. Ana Paula Marçal, Diretora Ezekutiva JSMP, relasiona ho envolvimentu JSMP nian hanesan reprezentante sosiedade sivil hodi tuur iha Komisaun Luta Anti Tráfiku Umanu (KLATU) no JSMP nia monitorizasaun iha tribunál distritál sira ba kazu sira ne'ebé



internasional
ba labarik feto
sira ni'an no
diskusaun
espesialidade
ba Projetu
Alteraun
Premeiru ba
Lei
Prosedimentu
Indultu no
Komutasaun
Pena.

Iha loron 11 Outubru 2021, jornalista husi jornál Timor Post dada-lia ho Sra. Eurosia de Almeida, Peskizadora Jurídika no Sr. Mateus Xavier, Observadór Parlamentár iha JSMP. Dada-lia ne'e atu husu tuir JSMP nia pontu de vista relasiona ho komemorasaun loron



Iha loron 05
Outubru 2021,
jornalista husi
Rádiu Televizaun
Timor -Leste
(RTTL) dada-lia
ho Sr. Casimiro
dos Santos,
Adjunto Diretor
JSMP hodi husu
tuir JSMP ninia
hanoin relasiona
ho alterasaun ba
Proposta Lei

no33/V(3^a) 5/2016, loron 25 Maiu kona-ba Prosedimentu ba Konsesaun Indultu no Komutasaun Pena.

Pájina JSMP nian

The screenshot shows the Facebook page for JSMP Timor-Leste. The page header includes the URL web.facebook.com/pg/timorlestesjsmp/notes/?ref=page_internal&_rdc=1&_rdr. The page has 20+ likes and 99+ notifications. A message box at the top right says "You Have New Tools to Set Up" with a "Set Up" button. The main content is a large group photo of approximately 20 people, mostly women, wearing white t-shirts with the JSMP logo. Below the photo are standard Facebook interaction buttons: Like, Following, Share, and three dots. A "Send Message" button is also visible.

Totál ema sira ne'ebe akompana JSMP nia publikasaun iha *facebook* iha tinan 2021 hamutuk 7983 flowers.

Totál ema sira ne'ebé haree JSMP nia programa televisaun ne'ebé publika iha TV-E hamutuk rihaun 11 resin, bele asesu iha link ne'e <https://web.facebook.com/283566652521927/videos/1650245771780789>

Halibur osan/Fundraising



Sentru Formasaun Legál (SFL), Canosa-Manleu, Dili, nu'udar fasilidade ne'ebé bele fasilita JSMP hodi fornese formasaun legál ba parte interesadu sira no mós públiku bele uza mós ba halo enkontru ka diskusaun ruma. Sentru ne'e sai hanesan fonte ba halibur osan ba instituisaun.



JSMP fornese regularmente formasaun ba estudante finalista direitu sira kada tinan.

Atividade formasaun ida ne'e nu'udar atividade ida husi atividade sira fundraising JSMP nian.

Objetivu husi atividade formasaun ne'e mak atu tulun estudante finalista no lisensiadu sira direitu nian atu bele hasa'e sira-nia koñesimentu no fasilita sira-nia asesu ba merkadu traballu.

Formasaun ne'e, JSMP anúnsia liuhusi FB JSMP nian no mós iha edifísiu centrál iha Colmera, Dili



Orsamentu

Tabela 2: Orsamentu 2021

DOADÓR	OSAN SIMU	OSAN NE'EBÉ UJA	BALANSU
Sosiedade Sivil	\$ 30,000.00	\$ 29,742.21	\$ 257.79
Cepad	\$ 50,000.00	\$ 46,902.35	\$ 3,097.65
Canada	\$ 33,673.43	33,659.70	\$ 13.73
Dfat	\$ 207,914.84	\$ 207,914.84	\$ 0.00
Trafiking	\$ 20,000.00	\$ 10,340.67	\$ 9,659.33
Spotlight	\$ 124,577.00	\$ 103,693.72	\$ 20,883.26
Taf Nabilan	\$ 111,451.37	\$ 105,364.32	\$ 6,087.05
Hivos	\$ 27,500.00	\$ 27,500.00	\$ 0.00
Totál	\$ 605,116.64	\$ 565,117.81	\$39,998.81

Atividade 2021

Iha 2021, JSMP kontinua ninian atividade prinsipál sira mak hanesan monitorizasaun tribunál no Parlamentu Nasionál no fornese asisténsia legál ba feto no labarik sira. JSMP mós sei kontinua halo treinamentu ba komunidade sira iha área remota no hasa'e kapasidade funzionáriu sira nian hodi bele kontribui ho di'ak liu tan ba implementasaun programa sira. JSMP mós kontinua hametin relasaun ho parseru sira iha nívelnasionál no Internasionál.

Manajementu

- Kontinua buka fundus hodi apoia kontinuasaun programa;
- Halo planu ba *fundraising* tuir políтика fundraising nian
- Halo avaliasaun ba dezempeñu funzionáriu sira-nian;
- Revee planu estratéjiku JSMP no defini planu anuál ba kada programa no halo ajustamentu nesesáriu ba programa sira;
- Identifika oportunidade hodi fó kapasitasaun ba funzionáriu sira inklui kontinua halo prosesu kaderizasaun ba funzionáriu sira ba pozisaun importante iha JSMP nian;
- Hametin relasaun ho parseiru sira, inklui ONG sira, governu, autór tribunál no universidade;
- Hametin rede servisu ho organizasaun nasionál no internasionál iha nível nasionál, rejonál no internasionál.

Unidade Peskiza Jurídiku (LRU)

- Monitoriza kazu iha tribunál Distritál haat, inklui Tribunál Rekursu;
- Hala'o atividade treinamentu no diseminasaun informasaun kona-ba direitu umanu no asesu sistema justisa formál;
- Prodús sumáriu kazu kada fulan;
- Prodús komunikadu imprensa ba asuntu interesante no atuál ruma ne'ebé deskobre iha tribunál durante halo monitorizasaun;
- Prodús relatório anuál ba Observasaun Jerál Setór Justisa iha 2021;
- Prodús relatório temátiku ba asuntu relevante iha setór justisa.

Unidade Treinamentu no Advokasia (UTA)

- Organiza no disemina informasaun liuhusi *website*, *Facebook*, e-mail-lists no mídia hanesan jornál, televizaun no rádiu;
- Kontinua halo advokasia ba asuntu insestu (alterasaun ba Kódigu Penál), imunidade, indultu, suspensaun ba pena prizaun, asesibilidade no transparénsia TR, Lei Anti Korrupsaun no lei justisa juvenil;
- Prodús materiál sira JSMP nian mak hanesan buletin mensál (*Newsletter*), broxura, *banner* no konvite sira;
- Hala'o atividade sira ne'ebé relevante ba prevene no kombine Covid-19;

Unidade Programa Observasaun Parlamentu (POP)

- Halo monitorizasaun ba atividade parlamentu iha sesaun plenaria, enkontru Komisaun A no fikalizasaun ba distritu;
- Publika informasaun kona-ba atividade no lala'ok Parlamentu Nasionál ba públiku liuhosi mídia;
- Halo analiza ba lei sira ne'ebé mak prodús husi Parlamentu Nasionál hodi fo komentáriu no rekomendasau hodi hadi'a lei sira ne'e;
- Apoiu unidade LRU iha halo monitorizaun ba tribunál;
- Prodús relatóriori anuál POP 2021;
- Halo analiza no revizaun legál ba Konstituisaun no lei relevante sira hodi fornese relatóriori no paraser.

Unidade Asisténsia Legál ba Feto no Labarik

- Fornese asisténsia legál ba feto no labarik;
- Mediasaun ba kazu sivíl;
- Halo dokumentasaun no relatóriori kona-ba atividade asisténsia legál nian.

Vizaun

Sosiedade demokrátika ne'ebé garante justisa no direitu umanuu ema hotu nian

Misaun

JSMP sei servisu ho espíritu kollaborativu hodi promove no proteteje demokrasia, lei, justisa no direitu umanuu liuhosi:

- ✓ Monitorizasaun
- ✓ Edukasaun legal, no
- ✓ Advokasia

Servisu atau garante



Jus^{⚖️}T^{⚖️}isa
ba ema hotu

Servisu hodi promove demokrasia, direitu umanu, justisa no boa governasaun



SERBISU ATU GARANTE JUSTISA BA EMA HOTU



Hamutuk hodi ko'alia sai no haforsa justisa no lialoos ba ema hotu



Rua Beco Lakateu, Aldeia Manu fuij,
Suku Colmera, Administrativu Vera Cruz
Dili Timor Leste
PoBox: 275
Telefone: 3323883 | 77257466

E-mail:info@jsmp.minihub.org, website:www.jsmp.tl & FB:www.facebook.com/timorleste.jsmp